

# Լ Ր Ա Ց ՈՒ Մ

ՀՀ ԿԲ ՆԱԽԱԳԱՀԻ 08.06.2016թ. ԹԻՎ 1/392Ա ՈՐՈՇՄԱՄԲ ԳՐԱՆՑՎԱԾ ԱԶԴԱԳՐԻ

## «ՀԱՅԱՍՏԱՆԻ ԷԿՈՆՈՄԻԿԱՅԻ ԶԱՐԳԱՑՄԱՆ ԲԱՆԿ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

թողարկողի անվանումը

ՀՀ, ք. Երևան, Ամիրյան 23/1, հեռ. (+374 10) 510 910, ֆաքս (+374 10) 538 904, էլ. փոստ [bank@aeb.am](mailto:bank@aeb.am)

արժեթղթերի դասը (տեսակը)	սովորական բաժնետոմս (բաժնային արժեթուղթ)
արժեթղթերի ձևը	ոչ փաստաթղթային
արժեթղթերի քանակը	343,493 հատ
արժեթղթերի անվանական արժեքը (արժույթը)	2500 ՀՀ դրամ
արժեթղթերի ընդհանուր անվանական արժեքը	858,732,500 ՀՀ դրամ

ՏԵՂԱԲԱՇԽՈՂ՝ «ՀԱՅԷԿՈՆՈՄԲԱՆԿ» ԲԲԸ

ՀՀ ԿԵՆՏՐՈՆԱԿԱՆ ԲԱՆԿԻ ԿՈՂՄԻՑ ԱԶԴԱԳՐԻ ԳՐԱՆՑՈՒՄԸ ՉԻ ՀԱՎԱՍՏՈՒՄ ՆԵՐԴՐՄԱՆ ԱՊԱՀՈՎՈՒԹՅՈՒՆԸ, ՆԵՐԿԱՅԱՑՎԱԾ ՏԵՂԵԿԱՏՎՈՒԹՅԱՆ ՃՇՏՈՒԹՅՈՒՆԸ ԿԱՄ ԻՍԿՈՒԹՅՈՒՆԸ:

ՀՀ ԿԲ Նախագահի 08.07.2016թ.  
թիվ 1/484Ա որոշում



24.06.2016թ.-ին կայացած «ՀԱՅԷԿՈՆՈՄԲԱՆԿ» ԲԲԸ Տարեկան ժողովը որոշում է կայացրել իրացնել «ՀԱՅԷԿՈՆՈՄԲԱՆԿ» ԲԲԸ կողմից ՀՀ օրենսդրության պահանջների համաձայն հետզնված 1,027 հատ բաժնետոմսերը, որով պայմանավորված կից ներկայացվում է ՀՀ ԿԲ Նախագահի 08.06.2016թ. թիվ 1/392Ա որոշմամբ գրանցված Ազդագրի լրացումը.





## ԲՈՎԱՆԴԱԿՈՒԹՅՈՒՆ

		Էջ
	<b>ՊԱՏԱՍԽԱՆԱՏՈՒ ԱՆՁԻՆՔ</b>	<b>3</b>
<b>Բաժին 1.</b>	<b>ԱՄՓՈՓԱԹԵՐԹ</b>	<b>5</b>
1	Տեղեկատվություն Բանկի և Բանկի գործունեության վերաբերյալ	5
2	Բանկին և արժեթղթերին առնչվող ռիսկերի համառոտ նկարագիրը	12
3	Բանկի տնտեսական գործունեության զարգացման և ֆինանսական վիճակի փոփոխության միտումները	14
4	Բանկի աուդիտն իրականացնող անձի և խորհրդատուների ինքնության մասին համառոտ տեղեկություններ	16
5	Բանկի կառավարման մարմնի անդամները, աշխատակիցները և խոշոր բաժնետերերը	16
6	Առաջարկվող կամ կարգավորվող շուկայում առևտրին թույլտվության համար նախատեսված արժեթղթերի հիմնական վիճակագրական տվյալները	18
7	Արժեթղթերի առաջարկի համակողմանի նկարագիրը	18
8	Այլ էական տեղեկություններ ըստ բանկի հայեցողության, որոնք նշված չեն նախորդ կետերում	19
9	Ամփոփ ֆինանսական տվյալներ	19
	<b>«ՀԱՅԷԿՈՆՈՄԲԱՆԿ» ԲԲԸ կողմից հետզնված բաժնետոմսերի հրապարակային իրացման պայմաններ</b>	<b>21</b>









## ՊԱՏԱՍԽԱՆԱՏՈՒ ԱՆՁԻՆՔ

Մենք՝ ստորագրող անձինք, հավաստիացնում ենք, որ գործադրել ենք բոլոր ողջամիտ ջանքերը, որպեսզի պարզենք ազդագրում ներառված տեղեկությունների ճշգրիտ և լիարժեք լինելը: Ըստ այդմ, մենք հավաստիացնում ենք, որ մեր լավագույն տեղեկացվածության համաձայն ազդագրում ներառված տեղեկությունները ճշգրիտ և լիարժեք են, չեն պարունակում բացթողումներ, որոնք կարող են խեղաթյուրել ազդագրի բովանդակությունը:

Ստորագրող անձինք՝

<u><b>Սարիբեկ Սուքիասյան</b></u> (անուն, ազգանուն)	<u><b>Խորհրդի նախագահ</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)
<u><b>Արամ Մելիքյան</b></u> (անուն, ազգանուն)	<u><b>Խորհրդի անդամ, Խորհրդի նախագահի տեղակալ</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)
<u><b>Լուիզա Պետրոսյան</b></u> (անուն, ազգանուն)	<u><b>Խորհրդի անդամ, Խորհրդի քարտուղար</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)
<u><b>Իննա Յարբարովա</b></u> (անուն, ազգանուն)	<u><b>Խորհրդի անդամ</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)
<u><b>Ռուբեն Հայրապետյան</b></u> (անուն, ազգանուն)	<u><b>Խորհրդի անդամ</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)
<u><b>Արմեն Նալչյան</b></u> (անուն, ազգանուն)	<u><b>Վարչության նախագահ, Գործադիր տնօրեն</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)
<u><b>Ռուբեն Բաղայան</b></u> (անուն, ազգանուն)	<u><b>Վարչության նախագահի տեղակալ-գանձապետ, Գործադիր տնօրենի տեղակալ-գանձապետ</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)
<u><b>Օնիկ Չիչյան</b></u> (անուն, ազգանուն)	<u><b>Վարչության նախագահի կորպորատիվ և մանրածախ բիզնեսի գծով տեղակալ, Կորպորատիվ և մանրածախ բիզնեսի գծով տնօրենի տեղակալ</b></u> (պաշտոն)	 (ստորագրություն)	<u><b>30.06.16թ.</b></u> (ամսաթիվ)



<u>Արրակ Առաքելյան</u> (անուն, ազգանուն)	Վարչության նախագահի գործառնական գծով տեղակալ, Գործառնական գծով տնօրենի տեղակալ (պաշտոն)	 (ստորագրություն)	<u>30.06.16թ.</u> (ամսաթիվ)
<u>Աստղիկ Մանրիկյան</u> (անուն, ազգանուն)	Վարչության նախագահի միջազգային և զարգացման գծով տեղակալ, Միջազգային և զարգացման գծով տնօրենի տեղակալ (պաշտոն)	 (ստորագրություն)	<u>30.06.16թ.</u> (ամսաթիվ)
<u>Դավիթ Ազարյան</u> (անուն, ազգանուն)	Վարչության անդամ, Գլխավոր հաշվապահ (պաշտոն)	 (ստորագրություն)	<u>30.06.16թ.</u> (ամսաթիվ)
<u>Հայկ Ավետիսյան</u> (անուն, ազգանուն)	Վարչության անդամ, Ռազմավարության և ռիսկերի կառավարման վարչության պետ (պաշտոն)	 (ստորագրություն)	<u>30.06.16թ.</u> (ամսաթիվ)
<u>Վրեժ Զհանգիրյան</u> (անուն, ազգանուն)	Վարչության անդամ, Իրավաբանական վարչության պետ (պաշտոն)	 (ստորագրություն)	<u>30.06.16թ.</u> (ամսաթիվ)
<u>Արամայիս Գալստյան</u> (անուն, ազգանուն)	Վարչության անդամ, Պլաստիկ քարտերի վարչության պետ (պաշտոն)	 (ստորագրություն)	<u>30.06.16թ.</u> (ամսաթիվ)
<u>Նարինե Կարապետյան</u> (անուն, ազգանուն)	Վարչության անդամ, Վարկավորման վարչության պետ (պաշտոն)	 (ստորագրություն)	<u>30.06.16թ.</u> (ամսաթիվ)
<u>Արմեն Նալբանյան</u> (անուն, ազգանուն)	Վարչության նախագահ, Գործադիր տնօրեն (պաշտոն)	 (ստորագրություն)	<u>30.06.16թ.</u> (ամսաթիվ)



# ԲԱԺԻՆ 1. ԱՄՓՈՓԱԹԵՐԹ

Ամփոփաթերթը դիտվում է որպես Ազդագրի ներածական համառոտ նկարագրություն:

Ներդրողն առաջարկվող բաժնետոմսերում ներդրում անելու որոշումը կայացնելիս պետք է ընթերցի ամբողջ Ազդագիրը:

Ամփոփաթերթում պարունակվող տեղեկատվության համար պատասխանատու անձը պատասխանատվություն է կրում ամփոփաթերթում պարունակվող տեղեկատվության ոչ ամբողջական կամ ապակողմնորոշիչ լինելու համար միայն այն դեպքում, եթե այն ոչ ամբողջական կամ ապակողմնորոշիչ է Ազդագրի մյուս մասերի հետ դիտարկելու դեպքում:

Ներդրողը կարող է ձեռք բերել Ազդագիրը և Ազդագրին կից ներկայացվող փաստաթղթերը փաստաթղթային տարբերակով Բանկի գլխավոր գրասենյակում և մասնաճյուղերում, իսկ էլեկտրոնային տարբերակով՝ Բանկի ինտերնետային էջում՝ [www.aeb.am](http://www.aeb.am):

Սույն Ազդագրում ներկայացված անձանց անձնական տվյալները ներկայացված են այդ անձանց համաձայնությամբ:

## 1. Տեղեկատվություն Բանկի և Բանկի գործունեության վերաբերյալ

1.1. Բանկի լրիվ ֆիրմային անվանումն է

հայերեն՝ «ՀԱՅԱՍՏԱՆԻ ԷԿՈՆՈՄԻԿԱՅԻ ԶԱՐԳԱՑՄԱՆ ԲԱՆԿ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

անգլերեն՝ «ARMENIAN ECONOMY DEVELOPMENT BANK» OPEN JOINT STOCK COMPANY

ռուսերեն՝ «БАНК РАЗВИТИЯ ЭКОНОМИКИ АРМЕНИИ» ОТКРЫТОЕ АКЦИОНЕРНОЕ ОБЩЕСТВО

Բանկի կրճատ ֆիրմային անվանումն է

հայերեն՝ «ՀԱՅԷԿՈՆՈՄԲԱՆԿ» ԲԲԸ

անգլերեն՝ «ARMECONOMBANK» OJSC

ռուսերեն՝ «АРМЭКОНОМБАНК» ОАО

1.2. Բանկի կազմակերպական-իրավական ձևը՝ բաց բաժնետիրական ընկերություն:

1.3. Բանկի պետական գրանցման վայրն է՝ ՀՀ, ք. Երևան, Ամիրյան 23/1, գրանցման համարը՝ 1:

1.4. Բանկի գտնվելու վայրն է՝ ՀՀ, ք. Երևան, Ամիրյան 23/1,

### 1.5. Կապի միջոցները՝

հեռ. (+374 10) 510 910

ֆաքս (+374 10) 538 904

էլ. փոստ [bank@aeb.am](mailto:bank@aeb.am)

ինտերնետային կայք [www.aeb.am](http://www.aeb.am)

Բանկի հիմնադրման երկիրը՝ Հայաստանի Հանրապետություն:

1.6. Բանկին առնչվող և բաժնետոմսերում ներդրումների հետ կապված հարցերի դեպքում ներդրողները կարող են կապնվել «ՀԱՅԷԿՈՆՈՄԲԱՆԿ» ԲԲԸ

Ռազմավարության և ռիսկերի կառավարման վարչության պետ Հ. Ավետիսյանի հետ հետևյալ հեռախոսահամարով՝ (+374 10) 510 976:

1.7. Թողարկողի համառոտ պատմությունը.

Բանկը (նախկին ԽՍՀՄ Բնակսոցբանկի հայկական հանրապետական բանկ) Հայաստանի Հանրապետության պետական բանկերից առաջինն է վերակազմավորվել բաժնետիրական բանկի:

1991թ. փետրվարի 14-ի ՀՀ Մինիստրների խորհրդի №115 որոշմամբ ԽՍՀՄ Բնակսոցբանկի հայկական հանրապետական բանկի հիման վրա ստեղծվել է Հայաստանի Հանրապետության պետական ակցիոներական կոմերցիոն բանկը (Հայպետկոմբանկ):

1991թ. օգոստոսի 9-ի ՀՀ Մինիստրների խորհրդի №509 որոշմամբ բանկը վերակազմավորվել է Հայաստանի Հանրապետության պետական կոմերցիոն բանկ (Հայպետկոմբանկ) սահմանափակ պատասխանատվությամբ ընկերության՝ գրանցվելով ՀՀ Կենտրոնական բանկում 1991թ. օգոստոսի 26-ին (գրանցում Թիվ 1):

1992թ. նոյեմբերի 16-ին բանկը ՀՀ ԿԲ-ից ստացել է բանկային գործառնություններ իրականացնելու №1 լիցենզիա:

1992թ. դեկտեմբերի 4-ին բանկը ՀՀ ԿԲ-ից ստացել է արտարժույթով գործառնություններ իրականացնելու Գլխավոր լիցենզիա №13:

1993թ. դեկտեմբերի 28-ին ՀՀ ԿԲ վարչության նստի որոշմամբ (արձանագրություն №40) Հայպետկոմբանկը վերագրանցվել է Հայաստանի էկոնոմիկայի զարգացման բաժնետիրական բանկի (Հայէկոնոմբանկ) (գրանցում՝ Թիվ 1/35)՝ ստանալով Թիվ 1/35 բանկային գործառնությունների իրականացման Արտոնագիր:

1994թ. հունվարի 21-ին բանկը ՀՀ ԿԲ-ից ստացել է արտարժույթով գործառնություններ իրականացնելու Գլխավոր լիցենզիա №13:

1995թ. ապրիլի 6-ին բանկը ՀՀ ԿԲ-ից ստացել է Թիվ 1 արտարժույթով գործառնություններ իրականացնելու Գլխավոր արտոնագիր:

1996թ. հոկտեմբերի 31-ին բանկը ՀՀ ԿԲ-ից ստացել է բանկային գործունեության լիցենզիա Թիվ 1:

1998թ. հունիսի 8-ին բանկը ՀՀ ԿԲ-ից ստացել է բանկային գործունեության լիցենզիա Թիվ 1:

2001թ. նոյեմբերի 14-ին բանկը ՀՀ ԿԲ-ից ստացել է բանկային գործունեության լիցենզիա Թիվ 1:

2002թ. Բանկի բաժնետոմսերը ցուցակվել են «ՆԱՍԴԱՔ ՕԷՄԷՔՍ ԱՐՄԵՆԻԱ» ԲԲԸ-ի «B» հարթակում, կանոնադրական հիմնադրամը համարվել է 300 մլն դրամով:

2003թ. Կանոնադրական հիմնադրամը համարվել է 200 մլն դրամով:

2004թ. «ՀԱՅԷԿՈՆՈՄԲԱՆԿ» ԲԲԸ-ի ու Վերակառուցման և Զարգացման Եվրոպական Բանկի (EBRD) միջև կնքվեց պայմանագիր, որով սկսվեց Բանկի կանոնադրական կապիտալում ՎՋԵԲ-ի մասնակցության գործընթացը, որի արդյունքում ՎՋԵԲ-ի մասնակցությունը Բանկի կանոնադրական կապիտալում կազմել է 25%+1 բաժնետոմս:

2005թ. Կանոնադրական հիմնադրամը համարվել է 633.3 մլն դրամով:

2007թ. Փետրվարին Moody's Investors Service միջազգային վարկանիշային ընկերությունը ՀՀ բանկային համակարգում առաջին անգամ «ՀԱՅԷԿՈՆՈՄԲԱՆԿ» ԲԲԸ-ն շնորհեց ֆինանսական կայունության E+ և երկարաժամկետ ՀՀ դրամով ու արտարժույթով ավանդների B1 վարկանիշներ, երկուսն էլ Stable Outlook-ով (կայուն

հեռանկար): Ապրիլին, վերանայելով շնորհված վարկանիշները, Moody's Investors Service միջազգային վարկանիշային ընկերությունը Բանկին արժանացրել է ավելի բարձր՝ ֆինանսական կայունության D- և ՀՀ դրամով և արտարժույթով երկարաժամկետ ավանդների Ba3 վարկանիշների, երկուսն էլ Stable Outlook-ով (կայուն հեռանկար):

2009թ. Բանկը դարձել է «ՆԱՍԴԱՔ ՕԷՄԷՔՍ ԱՐՄԵՆԻԱ» ԲԲԸ-ի անդամ:

2011թ. Վերակառուցման և Զարգացման Եվրոպական Բանկն իրենց գործառնություններով հնարավոր առավելագույն ժամկետով (ևս երեք տարով) երկարաձգեց իր մասնակցությունը (25% +1 բաժնետոմս) «ՀԱՅԷԿՈՆՈՄԲԱՆԿ» ԲԲԸ-ի կանոնադրական կապիտալում: Բանկը դարձել է "VISA" միջազգային վճարահաշվարկային համակարգի անդամ:

2013թ. Բանկը ստացել է ISO/IEC 27001:2005 (Տեղեկատվության անվտանգության կառավարման համակարգ) հավաստագիր: «MoneyGram» վճարահաշվարկային համակարգը «ՀԱՅԷԿՈՆՈՄԲԱՆԿ» ԲԲԸ-ին շնորհեց «Գերազանցության որակ» երկարաժամկետ և արդյունավետ համագործակցության հավաստագիր: Գերմանական Commerzbank AG-ն «ՀԱՅԷԿՈՆՈՄԲԱՆԿ» ԲԲԸ-ին շնորհեց «Որակի գերազանցության» մրցանակ՝ 2013թ. միջազգային փոխանցումների բարձր որակ ապահովելու, ինչպես նաև անթերի և արագ իրականացնելու համար:

2014թ.: Ասիական Զարգացման Բանկը Առևտրի ֆինանսավորման ծրագրի շրջանակներում «ՀԱՅԷԿՈՆՈՄԲԱՆԿ» ԲԲԸ-ին շնորհեց «Հայաստանում առաջատար գործընկեր բանկ» մրցանակ:

2014 թվականի դեկտեմբերի 3-ին Վերակառուցման և Զարգացման Եվրոպական Բանկը (ՎԶԵԲ), պարոն Սարիբեկ Սուքիասյանը, պարոն Ռոբերտ Սուքիասյանը, պարոն Խաչատուր Սուքիասյանը եւ «ՀԱՅԷԿՈՆՈՄԲԱՆԿ» ԲԲԸ-ն կնքել են բաժնետոմսերի գնման պայմանագիր, որով ՎԶԵԲ-ը համաձայնել է վաճառել իր 233,335 սովորական բաժնետոմսերը հինգ հավասար մասնաբաժիններով (46,667 ամեն տրանշ) հինգ տարվա ընթացքում՝ սկսած 2014 թվականի դեկտեմբերից մինչև 2019-ի մարտի 2-ը:

2015 թ. «ՀԱՅԷԿՈՆՈՄԲԱՆԿ» ԲԲԸ-ն դարձել է արժեթղթերի հաշվարկային համակարգի անդամ: «MoneyGram» վճարահաշվարկային համակարգը «ՀԱՅԷԿՈՆՈՄԲԱՆԿ» ԲԲԸ-ին շնորհել է «Պրոֆեսիոնալիզմի և Հայաստանում փոխանցման ծառայությունների զարգացմանը նպաստելու համար» հավաստագիր: «ՀԱՅԷԿՈՆՈՄԲԱՆԿ» ԲԲԸ-ի և Ղազախստանի «ԲՏԱ բանկ» ՓԲԸ-ի ղեկավարների միջև ստորագրվեց երկու բանկերի միացման հուշագիր՝ ՀՀ-ում գրանցված և գործունեություն իրականացնող «ԲՏԱ բանկ» ՓԲԸ-ն «ՀԱՅԷԿՈՆՈՄԲԱՆԿ» ԲԲԸ-ին միացնելու նպատակով:

2016թ. մարտի 18-ին կայացած «ՀԱՅԷԿՈՆՈՄԲԱՆԿ» ԲԲԸ և «ԲՏԱ բանկ» ՓԲԸ բաժնետերերի ժողովներում որոշում կայացվեց «ԲՏԱ բանկ» ՓԲԸ-ն «ՀԱՅԷԿՈՆՈՄԲԱՆԿ» ԲԲԸ-ին միացնելու վերաբերյալ: 06.05.2016թ.-ին ՀՀ Կենտրոնական բանկը նախնական հավանություն է տվել միացման պայմանագրի կնքմանը:

Բանկին տրված լիցենզիաները և արտոնագրերն անժամկետ են:

#### 1.8. Բանկի ռազմավարությունը

Բանկի ռազմավարական թիրախը՝ որպես ունիվերսալ կառույց շարունակական զարգացման ապահովումն է՝ մատուցելով հաճախորդներին միջազգային չափանիշներին

համապատասխան բանկային ծառայություններ, ապահովելով Բանկի հաճախորդների և բաժնետերերի շահերի պաշտպանվածությունը:

Բանկի գերակա նպատակը հաճախորդներին բազմաբնույթ և որակյալ ծառայությունների ամբողջական փաթեթի մատուցումն է՝ տարածաշրջանային ներկայացվածության ընդլայնման, բիզնեսի կառավարման ժամանակակից մեթոդների և տեղեկատվական տեխնոլոգիաների արդի ձեռքբերումների կիրառման միջոցով առավելագույնս նպաստելով տնտեսության զարգացմանը, ապահովելով Բանկի շահութաբեր գործունեությունը և համապատասխան զարգացումն ու աճը:

Բանկի՝ որպես կայացած և հեռանկարային ֆինանսական կառույցի, գնահատականը պետք է համարել նաև «Moody's Investors Service» ընկերության կողմից «ՀԱՅԷԿՈՆՈՄԲԱՆԿ» ԲԲԸ-ին ռեյտինգների շնորհման, ինչպես նաև ISO/IEC 27001:2005 (Տեղեկատվության անվտանգության կառավարման համակարգ) հավաստագրի ստացման փաստը, որը մեծ հեռանկարներ է բացում բանկի միջազգային ճանաչման, միջազգային ֆինանսավարկային կառույցների հետ համագործակցության էլ ավելի խորացման և բանկի հետագա զարգացման տեսանկյունից:

Նախատեսելով զարգացման բոլոր ոլորտների թե՛ քանակական, թե՛ որակական աճ, շարունակվելու է մեծ ուշադրություն դարձվել ռիսկերի կառավարման համակարգի, ներքին հսկողության համակարգի, ՓԼ/ԱՖ դեմ պայքարի, կորպորատիվ կառավարման արժեքների զարգացմանը, բանկային ծառայությունների մատուցման տեխնոլոգիաների կատարելագործմանը, միջազգային գործառնությունների, ինչպես նաև միջազգային ֆինանսավարկային կառույցների հետ համագործակցության ընդլայնմանը:

Բանկի ռազմավարության հիմնական խնդիրները բխում են բանկի ֆինանսական քաղաքականության գլխավոր խնդիրներից՝ պահպանել և ավելացնել բանկի ընդհանուր կապիտալը, ապահովել բանկի կայուն իրացվելիությունը, արդյունավետ կառավարելով բանկի ֆինանսական միջոցները, ապահովել եկամուտների այնպիսի մակարդակ, որը թույլ կտա ոչ միայն փոխհատուցել անհրաժեշտ ծախսերը, այլ նաև ձևավորել բավարար պահուստներ՝ լուծելով բանկի կապիտալիզացիայի խնդիրները:

Բանկն իր առաքելությունը տեսնում է որպես միջազգային չափանիշներով ռիսկերի կառավարման գործուն համակարգով, առաջընթաց տեխնոլոգիաներով զարգացող, օրինապաշտ, թափանցիկ կառույցի զարգացում, որը իր գործունեությամբ նպաստում է ոչ միայն ՀՀ բանկային համակարգի կայունությանը, այլև երկրի տնտեսության զարգացմանը:

Որպես ունիվերսալ բանկային կառույց՝ փոխշահավետ պայմաններով, օգտագործելով իր լայն մասնաճյուղային ցանցը, ստանձնած բոլոր պարտավորությունների կատարում թե՛ հաճախորդների, թե՛ գործընկերների /ներքին, միջազգային/ նկատմամբ՝ մատուցելով բանկային ծառայությունների ամբողջական փաթեթ, վերջինիս մշտական ընդլայնմամբ և բազմազանմամբ, միջազգային չափանիշներին մոտեցմամբ:

Որպես գործատու՝ արդյունավետ կադրային քաղաքականության վարմամբ, ապահովել իր աշխատակիցների մասնագիտական առաջընթացը և բարեկեցությունը՝ նրանց աշխատանքային գործունեության և ունակությունների համաձայն:

#### 1.9. Բանկի կանոնադրական կապիտալը և վերջինիս կառուցվածքը

Բանկի փաստացի համալրված կանոնադրական հիմնադրամի չափը կազմում է 3,167,022,500 ՀՀ դրամ, որը ներառում է 1,266,809 սովորական բաժնետոմս, յուրաքանչյուրը 2,500 ՀՀ դրամ անվանական արժեքով:



Բանկի հայտարարած բաժնետոմսերի քանակը կազմում է 2,000,000 սովորական բաժնետոմս՝ յուրաքանչյուրը 2500 դրամ անվանական արժեքով:

Առ 01.01.2016թ. բաժնետերերի կողմից վճարված է կանոնադրական կապիտալի 100%-ը:

Առ 01.04.2016թ. Բանկի սովորական բաժնետոմսերի սեփականատերերի քանակը կազմում է 3,031 բաժնետեր:

1.10. Բանկի բիզնեսի նկարագիրը (մատուցված ծառայությունները)

**Համաձայն Բանկի կանոնադրության.**

1.Բանկը ՀՀ օրենքներով և այլ իրավական ակտերով սահմանված կարգով կարող է իրականացնել հետևյալ ֆինանսական գործառնությունները.

ա/ ընդունել ցպահանջ և ժամկետային ավանդներ.

բ/ տրամադրել առևտրային և սպառողական վարկեր, այդ թվում՝ տալ հիփոթեքային վարկեր, իրականացնել պարտքի կամ առևտրային գործարքների ֆինանսավորում, ֆակտորինգ.

գ/ տրամադրել բանկային երաշխիքներ և ակրեդիտիվներ (վարկային նամակներ).

դ/ բացել և վարել հաշիվներ, այդ թվում՝ այլ բանկերի թղթակցային հաշիվներ.

ե/ մատուցել այլ վճարահաշվարկային ծառայություններ և (կամ) այլ կերպ սպասարկել հաճախորդների հաշիվները.

զ/ թողարկել, գնել (գեղչել), վաճառել և սպասարկել արժեթղթեր, նման այլ գործառնություններ կատարել.

է/ ինվեստիցիոն (ներդրումային) և բաժանորդագրական գործունեություն իրականացնել.

ը/ մատուցել ֆինանսական գործակալի (ներկայացուցչի) ծառայություններ, կառավարել այլ անձանց արժեթղթերն ու ներդրումները (հավատարմագրային (լիազորագրային) կառավարում).

թ/ գնել, վաճառել և կառավարել բանկային ոսկի և ստանդարտացված ձուլակտորներ և հուշադրամ.

ժ/ գնել և վաճառել (փոխանակել) արտարժույթ, այդ թվում՝ կնքել դրամի և արտարժույթի ֆյուչերսներ, օպցիոններ և նման այլ գործարքներ.

ժա/ իրականացնել ֆինանսական վարձակալություն (լիզինգ),

ժբ/ ի պահ ընդունել թանկարժեք մետաղներ, քարեր, ոսկերչական իրեր, արժեթղթեր, փաստաթղթեր և այլ արժեքներ.

ժգ/ մատուցել ֆինանսական և ինվեստիցիոն խորհրդատվություն,

ժդ/ ստեղծել և սպասարկել հաճախորդների վարկարժանության տեղեկատվական համակարգ, իրականացնել պարտքերի հետ ստացման գործունեություն,

ժզ/ իրացնել ապահովագրական վկայագրեր և (կամ) պայմանագրեր, օրենքով սահմանված կարգով իրականացնել ապահովագրական գործակալի գործառնություններ,

ժէ/ իրականացնել «Բանկերի և բանկային գործունեության մասին» ՀՀ օրենքով նախատեսված այլ գործառնություններ:

2. Բանկը նշված գործառնությունները կատարում է ինչպես ՀՀ դրամով, այնպես էլ արտարժույթով:

3. ՀՀ Կենտրոնական բանկի թույլտվությամբ Բանկը կարող է իրականացնել նաև այնպիսի գործունեություն կամ գործառնություններ, որոնք բխում են կամ սերտորեն կապված են բանկային գործունեության հետ:
4. Նշված գործառնությունները Բանկը կատարում է պայմանագրերի հիման վրա, որոնցում սահմանվում են կողմերի իրավունքները, պարտականությունները, պատասխանատվությունը, տոկոսադրույքները, արտոնությունները, տույժերը, պարտավորությունների ապահովման ձևերը, որոնք չեն հակասում ՀՀ օրենսդրությանը:
5. Բանկն իրավունք ունի իր անունից կնքել պայմանագրեր, ձեռք բերել գույքային և անձնական ոչ գույքային իրավունքներ, կրել պարտավորություններ, լինել հայցվոր և պատասխանող դատարանում:
6. Առանց ՀՀ Կենտրոնական բանկի նախնական համաձայնության Բանկին արգելվում է այնպիսի գործարքներ կամ գործառնություններ իրականացնելը, որոնց արդյունքում Բանկի մասնակցությունը՝

ա/ մեկ այլ անձի կանոնադրական հիմնադրամում 4.99 տոկոս և ավելին է,

բ/ մեկ այլ անձի կանոնադրական հիմնադրամում գերազանցում է Բանկի ընդհանուր կապիտալի 15%-ը,

գ/ բոլոր անձանց կանոնադրական հիմնադրամներում գերազանցում է Բանկի ընդհանուր կապիտալի 35%-ը :

Սույն կետով նախատեսվածը կարգավորվում է «Բանկերի և բանկային գործունեության մասին» ՀՀ օրենքով:


7. Բանկն իրավունք ունի թղթակցային հաշիվներ բացել այլ բանկերում:

31.12.15թ. դրությամբ Բանկը թղթակցային հաշիվներ ունի տեղական և միջազգային 23 բանկերում:

Կարևորելով դրամական փոխանցումների համակարգի ընդլայնման դերը՝ Բանկն անդամակցում է հետևյալ միջազգային արագ դրամական փոխանցումների համակարգերին.

«MoneyGram», «Anelik», «Ria Money Transfers», «Sigue Money Transfer», «IntelExpress», «Unistream», «Converse Transfer» և «Golden Money Transfer» համակարգերով՝ իր հաճախորդին տալով ընտրության լայն հնարավորություն:

1.11. Բանկի կազմակերպական կառուցվածքը ներկայացվում է ստորև.



31.12.2015թ. դրությամբ Բանկն ունի 40 մասնաճյուղ, որոնցից 39-ը՝ ՀՀ տարածքում և 1-ը՝ ԼՂՀ-ում՝ Ստեփանակերտ քաղաքում:

1.12. Բանկի տրամադրության տակ եղած ակտիվների համարժեքությունը և պիտանելիությունը.

հազ. դրամ

№	Ցուցանիշի անվանումը	2015	2014	2013
1	Ակտիվներ, այդ թվում՝	108,395,188	91,919,011	74,163,340
2	Եկամտաբեր ակտիվներ	94,418,175	81,910,484	61,385,771
3	Հաճախորդներին տրված վարկեր	59,175,240	52,057,388	40,693,742
4	Պահանջներ ֆինանսական կազմակերպությունների նկատմամբ	7,128,134	5,147,575	2,521,027
5	Վաճառքի համար մատչելի ֆինանսական ակտիվներ	8,866,001	6,168,289	7,145,525
6	Դրամական միջոցներ և դրանց համարժեքներ	27,550,590	22,354,455	17,866,741
7	Կանխիկ դրամական միջոցներ	9,133,956	5,392,027	8,466,289
8	Շահույթի կամ վնասի միջոցով իրական արժեքով չափվող ֆինանսական ակտիվներ	0	54,263	0
9	Հակադարձ հետգնման պայմանագրեր	832,166	1,255,797	1,379,833
10	Ներդրումներ ասոցիացված	0	194,991	245,192

	կազմակերպություններում			
11	Եկամտաբեր ակտիվների տեսակարար կշիռը (%)	87.11%	89.11%	82.77%

Արժեզրկված (չաշխատող) վարկերի և փոխառությունների կառուցվածքը.  
(հազ. դրամ).

Վարկերն ըստ ոլորտների	31.12.2015թ	31.12.2014թ	31.12.2013թ
Սպառողական	18,876,453	19,097,594	12,891,853
Ոչ ժամկետանց	18,428,482	18,847,555	12,807,495
ժամկետանց	447,971	250,039	84,358
Առևտուր	10,716,641	11,597,481	8,719,094
Ոչ ժամկետանց	10,264,384	11,596,120	8,689,872
ժամկետանց	452,257	1,361	29,222
Արտադրություն	9,206,363	7,018,876	7,546,671
Ոչ ժամկետանց	9,184,161	7,013,698	7,535,777
ժամկետանց	22,202	5,178	10,894
Շինարարություն	4,268,965	1,479,100	752,081
Ոչ ժամկետանց	4,268,965	1,479,100	752,081
ժամկետանց	0	0	0
Հիփոթեքային	3,216,232	3,195,868	3,189,897
Ոչ ժամկետանց	3,197,640	3,176,142	3,183,773
ժամկետանց	18,592	19,726	6,124
Գյուղատնտեսություն	1,939,702	1,773,552	1,978,443
Ոչ ժամկետանց	1,914,548	1,766,227	1,973,852
ժամկետանց	25,154	7,325	4,591
Այլ ճյուղեր	11,953,275	8,631,475	6,433,148
Ոչ ժամկետանց	11,901,529	8,629,288	6,294,101
ժամկետանց	51,746	2,187	139,047

Արժեզրկված (չաշխատող) վարկերի վերաբերյալ մանրամասն տեղեկատվությունը ներկայացված է Բանկի հրապարակվող հաշվետվություններին կից ծանոթագրություններում (Ծանոթագրություն 16 Հաճախորդներին տրված վարկեր):

## 2. Բանկին և արժեթղթերին առնչվող ռիսկերի համառոտ նկարագիրը

2.1. Ռիսկերի կառավարման գործընթացը բաղկացած է հետևյալ փուլերից՝ Բանկի գործունեության ընթացքում հնարավոր ռիսկերի նույնականացում, գնահատում, հսկողություն, հաղորդակցում-հաշվետվություն և գնահատված ռիսկերին արձագանքում: Ընդ որում ռիսկերին արձագանքման փուլն իրականացվում է ռիսկից խուսափման, ռիսկի նվազեցման, ռիսկի ընդունման կամ ռիսկի փոխանցման տարբերակներով: Տնտեսամաթեմատիկական մոդելավորման գործիքների կիրառման, գործընթացների կանոնակարգման, վերլուծության, կանխատեսման և ներքին հսկողության համակարգի մշտական կատարելագործման արդյունքում՝



Բանկը հնարավորություն է ստանում ռիսկերի կառավարման համակարգի միջոցով ապահովել ռիսկ-եկամուտ օպտիմալ հարաբերակցությունը՝ Բանկի զարգացման կշռադատված ռազմավարության պայմաններում բացառելով կամ նվազագույնի հասցնելով Բանկի գործունեության ընթացքում հնարավոր ռիսկերով պայմանավորված կորուստները և ապահովելով գործող նորմատիվային դաշտի պահանջները: Բանկի ռիսկերի կառավարման համակարգը ներքին և արտաքին միջավայրերում տեղի ունեցող փոփոխություններին, բանկի ռազմավարական խնդիրներին և իրականացվող գործառնությունների ծավալային և որակական բնութագրերին համապատասխանեցնելու նպատակով ռիսկերի կառավարման ոլորտը կանոնակարգող ներքին իրավական ակտերը պարբերաբար վերանայվում են:

Համաձայն ««ՀԱՅԷԿՈՆՈՄԲԱՆԿ» ԲԲԸ ռիսկերի կառավարման քաղաքականության» պահանջների, հաշվի առնելով Բանկային վերահսկողության բազելյան կոմիտեի և GARP-ի (Generally Accepted Risk Principles) ռիսկերի կառավարման սկզբունքները՝ բանկում մշակվել և ներդրվել են հետևյալ հիմնական ռիսկատեսակների գնահատման և կառավարման մոդելները.

- վարկային ռիսկ,
- շուկայական ռիսկ
  - ✓ տոկոսադրույքների փոփոխման ռիսկ,
  - ✓ արտարժույթային ռիսկ,
  - ✓ գնային ռիսկ,
- իրացվելիության ռիսկ,
- գործառնական ռիսկ,
- Հեղինակության ռիսկ,
- Վարակի ռիսկ,
- Ռազմավարական ռիսկ,
- Օրենսդրական, նորմատիվային դաշտի փոփոխության ռիսկ,
- Երկրի ընդհանուր և տնտեսական միջավայրի ռիսկ:

Բանկին առնչվող ռիսկերի վերաբերյալ առավել մանրամասն ներկայացված է սույն Ազդագրի Բաժին 3-ի («Բաժնետոմսեր թողարկողի մասին տեղեկատվություն») 2-րդ կետում («Ռիսկային գործոններ»):

2.2. Բաժնետոմսերում ներդրումները կապված են որոշակի հավանական ռիսկերի հետ, ուստի ներդրում կատարելու վերաբերյալ որոշում ընդունելուց առաջ ներդրողները պետք է մանրակրկիտ ուսումնասիրեն և վերլուծեն ներդրման հետ կապված և Ազդագրում բացահայտված հավանական ռիսկերը, ինչպես նաև ներկայացված այլ տեղեկատվությունը: Անհրաժեշտ է, այնուամենայնիվ, հաշվի առնել նաև այն հանգամանքը, որ Ազդագրում ներկայացված հնարավոր ռիսկերի ցանկը սպառիչ չէ և հավանական է նաև անկանխատեսելի բնույթի որոշակի այլ ռիսկերի առաջացումը և հետևաբար ներդրողը ներդրման վերաբերյալ որոշում կայացնելիս պետք է լիարժեք գիտակցի ներդրման էությունը և առաջնորդվի նաև իր սեփական փորձով, նպատակներով և սպասումներով:

Ներկայացված ռիսկերից յուրաքանչյուրը կարող է որոշակի բացասական ազդեցություն ունենալ ինչպես Բանկի վիճակի, այնպես էլ շուկայում առկա իրավիճակի վրա՝ արդյունքում հանգեցնելով շուկայում բաժնետոմսերի

շրջանառելիության՝ իրացվելիության անկմանը: Բանկի կողմից որպես առավել էական ռիսկեր դիտարկվում են.

ա) Բաժնետոմսերի իրացվելիության ռիսկը, որը կարող է առաջանալ շուկայում ձևավորված իրավիճակի կտրուկ փոփոխության կամ Բանկի ֆինանսական վիճակի վատթարացման հետևանքով, որի արդյունքում, բաժնետոմսերը կարող են կորցնել իրենց գրավչությունը՝ հանգեցնելով դրանց գնի անկմանը: Ներդրողը կարող է շուկայական տվյալ իրավիճակում առկա բաժնետոմսերի ցածր իրացվելիության պատճառով հնարավորություն չունենալ վաճառելու բաժնետոմսերը առանց էական կորուստների կամ ընդհանրապես հնարավորություն չունենալ դրանք վաճառելու:

բ) Արտարժույթային ռիսկը, որը կարող է առաջանալ փոխարժեքի կտրուկ տատանումների հետևանքով, որոնք կարող են էապես ազդել ինչպես Բանկի, այնպես էլ արժեթղթերի շուկայի վրա: Բաժնետոմսերը գնանշվելու և վճարվելու են ՀՀ դրամով, ուստի, այն ներդրողների համար, որոնց ֆինանսական հոսքերն այլ արժույթով են, տվյալ բաժնետոմսերը պարունակում են զգալի արտարժույթային ռիսկեր:

գ) Տոկոսադրույքի ռիսկը, որը կարող է հետևանք լինել շուկայում գործող տոկոսադրույքների կտրուկ փոփոխության, ինչը որպես այլընտրանքային ներդրման ուղղություն, անուղղակիորեն ազդում է բաժնետոմսերի գների վրա:

դ) Բանկի հեղինակության ռիսկը, որը անմիջական ազդեցություն ունի բաժնետոմսերի գրավչության և գնի վրա:

Թողարկվող արժեթղթերին առնչվող ռիսկերի վերաբերյալ առավել մանրամասն ներկայացված է սույն Ազդագրի Բաժին 2-ի («Թողարկվող բաժնետոմսերի մասին տեղեկատվություն») 1-ին կետում («Ռիսկային գործոններ»):

### **3. Բանկի տնտեսական գործունեության զարգացման և ֆինանսական վիճակի փոփոխության միտումները**

Բանկն իր գործունեությունն իրականացնում է համաձայն Բանկի խորհրդի կողմից հաստատված հեռանկարային զարգացման ծրագրերի՝ դրանցում սահմանված նպատակների, սկզբունքների, գործունեության հիմնական ուղղությունների և խնդիրների լուծման ուղիների: Բանկի գործունեությունը մշտապես գտնվում է խորհրդի և գործադիր մարմնի ուշադրության ներքո, որոնք օպերատիվ արձագանքում են ներքին գործոնների, արտաքին միջավայրի և շուկայական իրավիճակների փոփոխություններին՝ համապատասխանեցնելով Բանկի կողմից առաջարկվող ծառայությունները և դրանց սակագները շուկայի պահանջներին, Բանկի կողմից իրականացվող գործառնությունների հսկողական մեխանիզմները՝ գործող օրենսդրական դաշտի պահանջներին:

Բանկի՝ որպես կայացած և հեռանկարային ֆինանսական կառույցի, գնահատականը պետք է համարել նաև ISO/IEC 27001:2005 (Տեղեկատվության անվտանգության կառավարման համակարգ) հավաստագրի ստացման փաստը, որը մեծ հեռանկարներ է բացում բանկի միջազգային ճանաչման, միջազգային ֆինանսավարկային կառույցների հետ համագործակցության էլ ավելի խորացման և բանկի հետագա զարգացման տեսանկյունից:

Բանկի գործունեության կարևորագույն գնահատականներից է 2015թ.-ի արդյունքներով ապահովված 368,787 հազ. դրամ շահույթը:

2015թ.-ի վերջին ապահովվեց կապիտալի 11.0 մլրդ դրամ մակարդակ՝ հիմնականում ձևավորված շահույթի հաշվին՝ վերագնահատման պահուստների զգալի նվազման պայմաններում:

2015թ., նախորդ տարվա համեմատ, բանկի ակտիվներն աճել են 16.9 մլրդ դրամով կամ մոտ 18.4%-ով՝ կազմելով մոտ 108.8 մլրդ դրամ, ընդ որում՝ եկամտաբեր ակտիվներից հաճախորդներին տրված վարկերն աճել են 7.2 մլրդ դրամով կամ մոտ 13.8%-ով՝ կազմելով 59.2 մլրդ դրամ, իսկ հաճախորդների նկատմամբ պարտավորությունները՝ 4.4 մլրդ դրամով կամ 7.7%-ով՝ կազմելով մոտ 62.0 մլրդ դրամ, ինչը վկայում է բանկի նկատմամբ հաճախորդների վստահության շարունակական աճի մասին:

2014թ.-ին շահույթը կազմել է 886,023 հազ. դրամ 2013թ.-ի ցուցանիշի համեմատ աճելով 23.6%-ով, կապիտալն աճել է 77.1 մլն դրամով կամ 0.7%-ով՝ կազմելով 11.1 մլրդ դրամ:

2014թ., նախորդ տարվա համեմատ, բանկի ակտիվներն աճել են 17.8 մլրդ դրամով կամ մոտ 24.0%-ով՝ կազմելով մոտ 92.0 մլրդ դրամ, ընդ որում՝ եկամտաբեր ակտիվներից հաճախորդներին տրված վարկերն աճել են 11.4 մլրդ դրամով կամ մոտ 28.0%-ով՝ կազմելով 52.1 մլրդ դրամ, իսկ հաճախորդների նկատմամբ պարտավորությունները՝ 13.1 մլրդ դրամով կամ 29.6%-ով՝ կազմելով 57.5 մլրդ դրամ, ինչը վկայում է բանկի նկատմամբ հաճախորդների վստահության շարունակական աճի մասին:

2013թ.-ին շահույթը կազմել է 716,701 հազ. դրամ 2012թ.-ի ցուցանիշի համեմատ աճելով ավելի քան երկու անգամ, կապիտալն աճել է 1.6 մլրդ դրամով կամ 17.0%-ով՝ կազմելով 11.1 մլրդ դրամ:

2013թ., նախորդ տարվա համեմատ, բանկի ակտիվներն աճել են 10.3 մլրդ դրամով կամ 16.1%-ով՝ կազմելով 74.2 մլրդ դրամ, ընդ որում՝ եկամտաբեր ակտիվներից հաճախորդներին տրված վարկերն աճել են 7.3 մլրդ դրամով կամ 21.9%-ով՝ կազմելով 40.7 մլրդ դրամ, իսկ հաճախորդների նկատմամբ պարտավորությունները՝ 8.2 մլրդ դրամով կամ 22.5%-ով՝ կազմելով 44.4 մլրդ դրամ, ինչը վկայում է բանկի նկատմամբ հաճախորդների վստահության շարունակական աճի մասին:

Նախատեսելով զարգացման բոլոր ոլորտների թե՛ քանակական, թե՛ որակական աճ, շարունակվելու է մեծ ուշադրություն դարձվել ռիսկերի կառավարման համակարգի, ներքին հսկողության համակարգի, ՓԼ/ԱՖ դեմ պայքարի, կորպորատիվ կառավարման արժեքների զարգացմանը, բանկային ծառայությունների մատուցման տեխնոլոգիաների կատարելագործմանը, միջազգային գործառնությունների, ինչպես նաև միջազգային ֆինանսավարկային կառույցների հետ համագործակցության ընդլայնմանը:

31.03.2016թ. դրությամբ Բանկի կապիտալը կազմել է մոտ 19.7 մլրդ դրամ՝ աճելով տարվա վերջի համեմատ 31.2%-ով: Այլ ցուցանիշների գծով 2016թ. ընթացքում՝ (մինչև Ազդագրի գրանցման ներկայացման օրը) Բանկի գործունեության և ֆինանսական վիճակի էական փոփոխություն տեղի չի ունեցել և Բանկը պահպանում է ակտիվների և այլ հիմնական ցուցանիշների աճի միտումները:

«ԲՏԱ բանկ» ՓԲԸ-ն «ՀԱՅԷԿՈՆՈՄԲԱՆԿ» ԲԲԸ-ին միացնելու նպատակով 2015թ. ստորագրված հուշագրի համաձայն՝ 2016թ. մարտի 18-ին կայացած «ՀԱՅԷԿՈՆՈՄԲԱՆԿ» ԲԲԸ և «ԲՏԱ բանկ» ՓԲԸ բաժնետերերի ժողովներում որոշում կայացվեց «ԲՏԱ բանկ» ՓԲԸ-ն «ՀԱՅԷԿՈՆՈՄԲԱՆԿ» ԲԲԸ-ին միացնելու վերաբերյալ: 06.05.2016թ.-ին ՀՀ Կենտրոնական բանկը նախնական հավանություն է տվել միացման պայմանագրի կնքմանը:

Գործունեության համար անհրաժեշտ բոլոր արտոնագրերը և լիցենզիաներն ուժի մեջ են, դատական հայցեր, որոնք էական ազդեցություն են ունեցել կամ ունենալու Բանկի ֆինանսական վիճակի և շահութաբերության վրա առկա չեն, կազմակերպական էական փոփոխություններ չեն սպասվում:

#### 4. Բանկի աուդիտն իրականացնող անձի և խորհրդատուների ինքնության մասին համառոտ տեղեկություններ

Բանկի 2013թ.-ի և 2014թ.-ի աուդիտն իրականացրել է «Դելոյթ Արմենիա» ՓԲԸ-ն, որի գտնվելու վայրը և կապի միջոցներն են.

«Դելոյթ Արմենիա» ՓԲԸ

Գործադիր տնօրեն՝ Սրբուհի Հակոբյան

ՀՀ, ք. Երևան 0002, Ամիրյան 4/6, հեռ. +374(10) 52 65 20, ֆաքս +374 (10) 52 75 20, [www.deloitte.ru](http://www.deloitte.ru):

Բանկի 2015թ.-ի գործունեության աուդիտն իրականացնում է «Դելոյթ Արմենիա» ՓԲԸ-ն:

#### 5. Բանկի կառավարման մարմնի անդամները, աշխատակիցները և խոշոր բաժնետերերը

5.1. Թողարկողի կառավարման մարմնի անդամները.

Բանկի կանոնադրությամբ սահմանված են Բանկի կառավարման հետևյալ մարմինները.

- Բաժնետերերի ընդհանուր ժողով (այսուհետ՝ Ընդհանուր ժողով), որը Բանկի կառավարման բարձրագույն մարմինն է,
- Բանկի խորհուրդը (այսուհետ՝ Խորհուրդ), որն ընտրվում է բաժնետերերի ընդհանուր ժողովում,
- Բանկի գործադիր տնօրենը, որն ի պաշտոնե վարչության նախագահն է,
- Բանկի վարչությունը (այսուհետ՝ Վարչություն):

Բանկի խորհուրդը կազմված է հինգ անդամներից.

№	անունը, ազգանունը	զբաղեցրած պաշտոնը	փորձառությունը
1	Սարիբեկ Սուքիասյան	Խորհրդի նախագահ	25 տարի
2	Արամ Մելիքյան	Խորհրդի անդամ, Խորհրդի նախագահի տեղակալ	29 տարի
3	Լուիզա Պետրոսյան	Խորհրդի անդամ, խորհրդի քարտուղար	11 տարի
4	Իննա Յաբբարովա	Խորհրդի անդամ	33 տարի
5	Ռուբեն Հայրապետյան	Խորհրդի անդամ	14 տարի

Բանկի վարչությունը կազմված է 10 անդամներից.

№	անունը, ազգանունը	զբաղեցրած պաշտոնը	փորձառությունը
1	Արմեն Նալչյան	Վարչության նախագահ,	31 տարի



		Գործադիր տնօրեն	
2	Ռուբեն Բադալյան	Վարչության նախագահի տեղակալ-գանձապետ, Գործադիր տնօրենի տեղակալ-գանձապետ	13 տարի
3	Օնիկ Չիչյան	Վարչության նախագահի կորպորատիվ և մանրածախ բիզնեսի գծով տեղակալ, Գործադիր տնօրենի կորպորատիվ և մանրածախ բիզնեսի գծով տեղակալ	14 տարի
4	Արտակ Առաքելյան	Վարչության նախագահի գործառնական գծով տեղակալ, Գործադիր տնօրենի գործառնական գծով տեղակալ	11 տարի
5	Աստղիկ Մանրիկյան	Վարչության նախագահի միջազգային և զարգացման գծով տեղակալ, Գործադիր տնօրենի միջազգային և զարգացման գծով տեղակալ	10 տարի
6	Դավիթ Ազատյան	Վարչության անդամ, Գլխավոր հաշվապահ	14 տարի
7	Հայկ Ավետիսյան	Վարչության անդամ, Ռազմավարության և ռիսկերի կառավարման վարչության պետ	11 տարի
8	Վրեժ Զհանգիրյան	Վարչության անդամ, Իրավաբանական վարչության պետ	9 տարի
9	Արամայիս Գալստյան	Վարչության անդամ, Պլաստիկ քարտերի վարչության պետ	8 տարի
10	Նարինե Կարապետյան	Վարչության անդամ, Վարկավորման վարչության պետ	10 տարի

5.2. Բանկի աշխատակիցները.

Բանկի աշխատակիցների ընդհանուր թիվը 31.12.15թ. դրությամբ կազմում է 904 աշխատակից:

5.3. Բանկի խոշոր բաժնետերերը.

№	ազգանունը, անունը, հայրանունը	մասնակցություն
---	-------------------------------	----------------

1	Սուբիասյան Սարիբեկ Ալբերտի	25.9%
2	Սուբիասյան Խաչատուր Ալբերտի	14.38%
3	Սուբիասյան Ռոբերտ Ալբերտի	14.97%
4	Սուբիասյան Էդուարդ Ալբերտի	11.18%
5	Վերակառուցման և Զարգացման Եվրոպական Բանկ	11.05%

## 6. Առաջարկվող կամ կարգավորվող շուկայում առևտրին թույլտվության համար նախատեսված արժեթղթերի հիմնական վիճակագրական տվյալները

արժեթղթերի տեսակը՝ սովորական բաժնետոմս (բաժնային արժեթուղթ)

արժեթղթերի քանակը՝ 342,466 հատ

արժեթղթերի ընդհանուր ծավալը (շուկայական արժեքով)՝ 5,000,003,600 ՀՀ դրամ

արժեթղթերի ընդհանուր ծավալը (անվանական արժեքով)՝ 856,165,000 ՀՀ դրամ

արժեթղթերի անվանական արժեքը՝ 2,500 ՀՀ դրամ

արժեթղթերի արժույթը՝ ՀՀ դրամ

արժեթղթերի նպատակը՝ միջոցների ներգրավում

միջոցների օգտագործման նախատեսվող ուղիները՝ Թողարկողի կողմից բաժնետոմսերի տեղաբաշխման արդյունքում ներգրավված դրամական միջոցները հիմնականում ուղղվելու են փոքր և միջին ձեռնարկությունների վարկավորմանը, սպառողական վարկերի տրամադրմանը և պետական արժեթղթերում ներդրումների իրականացմանը:

արժեթղթերի տեսակը՝ սովորական բաժնետոմս (բաժնային արժեթուղթ)

արժեթղթերի քանակը՝ 1,027 հատ

արժեթղթերի ընդհանուր ծավալը (տեղաբաշխման գնով)՝ 14,994,200 ՀՀ դրամ

արժեթղթերի ընդհանուր ծավալը (անվանական արժեքով)՝ 2,567,500 ՀՀ դրամ

արժեթղթերի անվանական արժեքը՝ 2,500 ՀՀ դրամ

արժեթղթերի արժույթը՝ ՀՀ դրամ

արժեթղթերի նպատակը՝ հետգնված բաժնետոմսերի իրացում

## 7. Արժեթղթերի առաջարկի համակողմանի նկարագիրը

Թողարկվող բաժնետոմսերի տեղաբաշխումն իրականացվելու է բաց բաժանորդագրության միջոցով:

Համաձայն օրենսդրության՝ Բանկի կողմից բաց բաժանորդագրության միջոցով քվեարկող բաժնետոմսերի և քվեարկող բաժնետոմսերի փոխարկվող արժեթղթերի տեղաբաշխման դեպքում Բանկի բաժնետերերը չունեն բաժնետոմսերի և քվեարկող բաժնետոմսերի փոխարկվող արժեթղթերի ձեռքբերման նախապատվության իրավունք: Եթե տեղաբաշխվող բաժնետոմսերի դիմաց վճարումն իրականացվելու է դրամական միջոցներով, ապա Բանկի կանոնադրությամբ քվեարկող բաժնետոմսերի սեփականատերերի համար կարող է նախատեսվել քվեարկող բաժնետոմսերի և քվեարկող բաժնետոմսերի փոխարկվող

արժեթղթերի ձեռքբերման նախապատվության իրավունք՝ իրենց պատկանող քվեարկող բաժնետոմսերի քանակին համամասնորեն:

Տեղաբաշխվող բաժնետոմսերի դիմաց վճարումն իրականացվելու է դրամական միջոցներով: Բանկի կանոնադրությամբ քվեարկող բաժնետոմսերի սեփականատերերի համար քվեարկող բաժնետոմսերի և քվեարկող բաժնետոմսերի փոխարկվող արժեթղթերի ձեռքբերման նախապատվության իրավունք (իրենց պատկանող քվեարկող բաժնետոմսերի քանակին համամասնորեն) նախատեսված չէ: Թողարկմանը զուգահեռ բաժնետերերի կողմից տնօրինվող բաժնետոմսերի վաճառք չի նախատեսվում: Հետզնված բաժնետոմսերի վաճառքն իրականացվելու է «ՆԱՍԴԱՔ ՕԷՄԷՔՍ ԱՐՄԵՆԻԱ» ԲԲԸ-ում, քանի որ դրանք արդեն իսկ թույլատրված են առևտրի:

### 8. Այլ էական տեղեկություններ ըստ բանկի հայեցողության, որոնք նշված չեն նախորդ կետերում

Բանկի կանոնադրական հիմնադրամին, բաժնետերերին, շահույթի բաշխմանը և կառավարման մարմիններին վերաբերող լրացուցիչ տեղեկատվություն կարելի է ստանալ Բանկի կանոնադրության 3-6 գլուխներում:

### 9. Ամփոփ ֆինանսական տվյալներ

հազ. դրամ

№	Ցուցանիշի անվանումը	2015	2014	2013
	Զուտ շահույթ շահութահարկի գծով ծախսի նվազեցումից հետո	449,266	816,796	716,701
	Սեփական կապիտալի միջին մեծություն*	11,868,510	11,075,369	10,166,736
	Սեփական կապիտալի շահութաբերություն (ROE), %	3.79%	7.37%	7.05%
	Զուտ շահույթ շահութահարկի գծով ծախսի նվազեցումից հետո	449,266	816,796	716,701
	Ընդհանուր ակտիվների միջին մեծություն*	98,438,680	84,528,828	69,653,244
	Ակտիվների շահութաբերություն (ROA), %	0.46%	0.97%	1.03%
	Զուտ շահույթ շահութահարկի գծով ծախսի նվազեցումից հետո	449,266	816,796	716,701
	Գործառնական եկամուտ	6,304,775	6,785,457	5,989,751
	Զուտ շահույթի մարժա (NPM), %	7.13%	12.04%	11.97%
	Գործառնական եկամուտ	6,304,775	6,785,457	5,989,751
	Ընդհանուր ակտիվների միջին մեծություն*	98,438,680	84,528,828	69,653,244
	Ակտիվների օգտագործման գործակից (AU), %	6.40%	8.03%	8.60%
	Ընդհանուր ակտիվների միջին մեծություն	98,438,680	84,528,828	69,653,244
	Սեփական կապիտալի միջին մեծություն*	11,868,510	11,075,369	10,166,736
	Սեփական կապիտալի մուլտիպլիկատոր (EM)	8.29	7.63	6.85

	Զուտ տոկոսային եկամուտ	4,540,923	4,249,360	3,735,624
	Եկամտաբեր ակտիվների միջին մեծություն	86,711,786	71,793,014	57,444,897
	Զուտ տոկոսային մարժա (NIM)	5.24%	5.92%	6.50%
	Տոկոսային եկամուտ	9,858,009	8,342,889	7,236,646
	Եկամտաբեր ակտիվների միջին մեծություն*	86,711,786	71,793,014	57,444,897
	Եկամտաբեր ակտիվների եկամտաբերություն	11.37%	11.62%	12.60%
	Տոկոսային ծախսեր	5,317,086	4,093,529	3,501,022
	Պարտավորություններ, որոնց գծով կատարվում են տոկոսային ծախսեր*	81,036,954	72,584,134	58,822,982
	Ծախսատարություն այն պարտավորությունների, որոնց գծով կատարվում են տոկոսային ծախսեր	6.56%	5.64%	5.95%
	Զուտ շահույթ շահութահարկի գծով ծախսի նվազեցումից հետո	449,266	816,796	716,701
	Բաժնետոմսերի միջին կշռված թիվը	933,335	933,335	933,335
	Զուտ շահույթը մեկ բաժնետոմսի հաշվով (EPS)	0.48	0.88	0.77
	Սպրեդ	4.81%	5.98%	6.65%

\*միջին եռամսյակային



**1. «ՀԱՅԷԿՈՆՈՄԲԱՆԿ» ԲԲԸ կողմից հետգնված բաժնետոմսերի հրապարակային իրացման պայմաններ.**

Բանկի կողմից առաջարկվող բաժնետոմսերից 342,466 հատ բաժնետոմսը նոր թողարկված, իսկ 1,027 հատը՝ բանկի կողմից հետգնված բաժնետոմսեր են, որոնց մասով՝ 24.06.2016թ.-ին կայացած «ՀԱՅԷԿՈՆՈՄԲԱՆԿ» ԲԲԸ Տարեկան ժողովը որոշում է կայացրել իրացնել դրանք ՀՀ օրենսդրության պահանջների համաձայն.

**արժեթղթերի տեսակը՝ սովորական բաժնետոմս (բաժնային արժեթուղթ)**

**արժեթղթերի քանակը՝ 1,027 հատ**

**արժեթղթերի ընդհանուր ծավալը (շուկայական արժեքով)՝ 14,994,200 ՀՀ դրամ**

**արժեթղթերի ընդհանուր ծավալը (անվանական արժեքով)՝ 2,567,500 ՀՀ դրամ**

**արժեթղթերի անվանական արժեքը՝ 2,500 ՀՀ դրամ**

**արժեթղթերի տեղաբաշխման արժեքը՝ 14,600 ՀՀ դրամ**

**արժեթղթերի արժույթը՝ ՀՀ դրամ**

**արժեթղթերի նպատակը՝ հետգնված բաժնետոմսերի իրացում**

**Հրապարակային առաջարկի իրացման նախատեսվող ժամանակահատվածը՝** ՀՀ Կենտրոնական բանկի կողմից Ազդագրի սույն լրացման գրանցման օրվան հաջորդող 6-րդ աշխատանքային օրվա ժամը 09:00-ից, 02.08.2016թ-ի. ժամը 16:00-ն:

Մինչև 02.08.2016թ.-ը հետգնված բաժնետոմսերի ամբողջ ծավալի իրացման դեպքում Բանկը այդ մասին կհրապարակի էական փաստերի և տեղեկությունների վերաբերյալ հաշվետվություն:

Այն նվազագույն և առավելագույն գումարները, որոնք կարող են նշվել ձեռքբերման (բաժանորդագրության) հայտերում: Այդ սահմանաչափերը կարող են նշվել կամ որպես արժեթղթերի նվազագույն և առավելագույն թույլատրելի քանակներ, կամ որպես ձեռքբերման նվազագույն և առավելագույն թույլատրելի համախառն գումարներ.

Հետգնված բաժնետոմսերի ձեռքբերման նվազագույն և առավելագույն մեծությունների (Գնման հայտերում նշվող գումարների) վերաբերյալ սահմանափակումներ չկան:

Արժեթղթերը ստանալու մեթոդները և ժամկետները, արժեթղթերի սեփականության վերաբերյալ քաղվածք ստանալու ձևը.

Բաժնետոմսերի սեփականության իրավունքը գրանցվում է «Հայաստանի Կենտրոնական Դեպոզիտարիա» բաց բաժնետիրական ընկերության կողմից «ՆԱՍԴԱՔ ՕԷՄԷՔՍ ԱՐՄԵՆԻԱ» ԲԲԸ-ում գործարքի կատարման օրը, իսկ սեփականության իրավունքը հավաստող քաղվածքները տրամադրվում են «Հայաստանի Կենտրոնական Դեպոզիտարիա» ԲԲԸ հաշվի օպերատոր հանդիսացող կազմակերպության կողմից հաստատված կարգով և ժամկետներում: Ներդրողը սեփականության իրավունքի գրանցման, ինչպես նաև սեփականության իրավունքը հավաստող քաղվածքի տրամադրման դիմաց վճարում է համաձայն «Հայաստանի Կենտրոնական Դեպոզիտարիա» ԲԲԸ հաշվի օպերատորի կողմից սահմանված սակագների: Գնորդի՝ բաժնետոմսի նկատմամբ սեփականության իրավունքը ծագում է և դրանից բխող

իրավունքները գնորդը կարող է իրացնել ՀՀ օրենսդրությամբ սահմանված կարգով Հայաստանի կենտրոնական դեպոզիտարիայում կամ ՀՀ ԿԲ կողմից լիցենզավորված ցանկացած այլ պահառուի մոտ գնորդի անունով այդ բաժնետոմսի գրանցման պահից:

Արժեթղթերի տեսակը և դասը, ներառյալ արժեթղթի տարբերակիչ ծածկագիրը (ISIN) կամ այլ նմանատիպ տարբերակիչ ծածկագիր (առկայության դեպքում).

- ✓ առաջարկվող արժեթղթերի դասը (տեսակը) սովորական բաժնետոմս (բաժնային արժեթուղթ),
- ✓ արժեթղթի տարբերակիչ ծածկագիրը (ISIN)՝ AMHEZBS10ER5

Առաջարկից օգտվելու համար դիմելու գործընթացի մանրամասն նկարագրություն

Հետգնված բաժնետոմսերը ներդրողները կարող են ձեռք բերել դիմելով ՀՀ-ում ներդրումային (բրոկերային) ծառայություններ մատուցող անձանց(կազմակերպություններին):